



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus V. An, & qualiter possessor lucretur fructus rei alienæ, bonâ fide
possessæ?

[urn:nbn:de:hbz:466:1-73001](#)

betur in textu. Plura de hoc tit. seq. Hujus autem ratio est, quia talis, etiam armata, repulso injusti invasoris rerum non est *aggressio*, sed *naturalis defensio* possessionis, ceteròquin amittendæ, si talem injustum rei tuæ occupatorem non rejiceres, ut constat ex dict. & tradit Panormit. in c. item cum, de restit. ipsi. Lessius l. 2. c. 3. d. 13. & alii.

1038. Dixi, licere vim vi repellere in continenti; ut constat ex præmissis juribus; difficultas est, quando expulsio censeatur facta in continenti? an hoc verificetur solum tunc, quando injustus rei occupator in ipsa ejus occupatione deprehenditur? vel an etiam primò post dies aliquot, vel menses, aut etiam annos? Castropal. cit. num. 3. censet ly confessim, & in continenti verificari in hoc casu, quando quis cœperam possessionem recuperare contendit, cum primum illius recuperationi commode assisterè potest, attentâ conditione expellentis, & expulsi, & rei, ex qua expulsio facta est. Unde apud eundem Antonius Gomez, & Molina tract. 2. D. 16. censem, recuperationem, etiam post decennium factam, posse quandoque in continenti factam censeri; quod tamen iudicium limitat ad casum, quo propulsatur injuria realis; nam in personalibus injuriis hoc solum permisum est in ipso actu, & delicto flagrantib., ut colligitur ex L. quod ait lex. ff. de Adulter. Hæc, quæ præmissa sunt, procedunt etiam in casu, quasi possessionis jurium incorporalium; nam etiam in casu, quasi possessionis jurium incorporalium; nam etiam huic competent remedia possessoria, quæ possessioni simplicitet, ex dict. L. 3. §. unde vi. 3. ibi: Unde vi interdictum necessarium fuisse fructuario appareret, si prohibeatur nisi frui usufructu fundi.

ARTICULUS V.

An, & qualiter possessio lucretur fructus rei alienæ, bona fidè possessa?

1039. Ante resolut. suppon. i. fructus dici à fruendo, cō, quod illis fruantur; ceterum fructus propriè dicitur omne il-

lud, quod in fundo nascitur; translative, etiam sumitur pro commodo, & utilitate; dicimus enim capere fructum ex aliquo, hoc est, utilitatem. Suppon. 2. fructus esse in triplici differentia; nam alii sunt pure *reales*, alii pure *industriales*, quidam *mixti*. Reales, qui alio nomine vocantur *fructus rei*, sunt, qui proveniunt ab ipsa re, quamvis intercedat modica industria: & sunt duplices, nempe alii *naturales*, qui à re naturaliter, & sponte egrediuntur, ut fructus agrorum, poma arborum, & fructus animalium: alii *civiles*, qui nempe civiliter prœdeunt à re, sive per legem, sive per contractum, ut pensio locationis, sive domorum, sive equorum, & omnium aliarum rerum, quæ usum locabilem præstant.

1040. Industriales dicuntur, qui ex mera industria proveniunt, ut quæstus ex negotiacione, aut ex usu artificio alieni instrumenti. Mixti sunt, qui partim ex re, partim ex industria nascuntur: si autem prævaleat industria in illis, industrielles censentur, sicut caseus, oleum, vinum, pañus, & segetes, licet ex semine furtivo, L. fructum, ff. de usuris. Si dubitatur, sintne fructus magis *naturales*, an *industriales*? respondetur, in foro externo, judicis sententiæ; in interno, prudentis judicio, standum esse; vel dic, ita dubio fructus esse *naturales*; quia natura prævalat industria, L. qui habent, ff. de tutelis. V. Molin. tum. 3. D. 719. & Lessius l. 2. c. 12. D. 17. Notat autem Molina. ibid. n. 3. partus ancillarum, quamvis à Juristis non computentur inter fructus, tamen à Theologis computari inter fructus reales in ordine ad restitutionem.

1041. Supp. 3. fructus dicti quosdam extantes, perceptos, percipientes, atidos, & fructus fructuum. Extantes sunt, qui existunt, & nondum sunt consumpti. L. Si à Dominò §. fructus, ff. de petit. hæred. fructus illi dicuntur, qui supersunt, deductis expensis, quæ sunt gratia fructuum acquirendorum, colligendorum, & conservandorum. Percepti, teste Azo. part. 3. l. 4. c. 2. q. 4. ex L. si usufructuar. ff. quibus modis usufr. amitt. dicuntur, qui simul collecti, & à solo separati sunt, licet adhuc humi, & subdio jaceant, nondum in horreum, vel cellam reconditi: Perceptiendi vocantur, qui immututi sunt, quo

quos verus Dominus possidet; ita Azon. in sum. C. de rei vend. pendentes sunt, qui jam nati, & formati conspiciuntur, sed nondum collecti, ex arboribus adhuc pendent, & fundo, ac solo adhuc cohærent. Unde Caius in L. fructus. ff. de rei vend. scribit, fructus pendentes, quasi partem fundi esse. Aridi fructus explicantur C. de usur. Auth. adhuc, & sunt, quibus opponuntur fructus liquidi. Fructus fructuum, de quibus L. cùm autem redhibitio, §. cùm redhibetur, ff. de adlit. est, quòd ex fructibus, seu fructuum nomine percipitur. Nudum pretium rei (ut inquit Lessius l. 2. c. 12. n. 10.) non censetur fructus rei, sed succedit in locum rei tanquam res altera: & observandum in specie, fructibus pretii annumerari in teresse lucri cessantis; jurisdictionis; electionem, collationem, presentationem beneficiorum; condemnationes, & confessiones; jurium, & actionum, laudem, &c. quibus positus:

1042. Quæstio. 1. est, an possessor tam bona, quam malæ fidei, fructus meræ industria pleno jure faciat suos? Resp. affirm. ita S. Thomas. 2. 2. q. 78. a. 3. Lessius l. 2. c. 14. n. 8. & alii. Nam fructus meræ industria sequuntur industriam; sicut naturales, rem; ergo sicut is, cuius est res, fructus naturales rei possessæ, & suæ, facit suos; sic fructus meræ industria is, cuius est industria. Hinc opus elaboratum alieno instrumento est artificis; non ejus, cuius est instrumentum; 2. qui frumentum (quod valet hic 5.) per suam industriam transfert ad locum, in quo non erat constituendum à Domino, & ibi vendit decem, lucrum sibi acquirit; 3. si fur pecuniam furtivam negotiationi exponit, lucrum negotiationis merè industriæ proveniens, suum facit. Not. tamen, usum tei, secundum valorem, cum ipsa te, Domino compensandum esse. Hinc Lugo de justia D. 17. sect. 3. n. 49. docet, famulum lucrari, quod datur in commutatione auri pro argento, quando Dominus nihil curat, & Creditori solvendo non debetur aurum.

1043. Quæstio altera est, an possessor bona fidei fructus rei tam mixtos, quam naturales, faciat suos? Resp. quòd sic; ita communiter Doctores cum Castropalao tr. 31. de just. in genere D. unica, p. 24. n. 7.

per fructus mixtos intelligimus fructus; qui proveniunt ex re, principalius operante hominis industria; naturales, qui proveniunt ex re principalius operante natura: meræ industria, qui ex puro labore & industria hominis. Jam prob. 1. pars ex §. si quis à non Domino, Institut. de rerum division. ibi: si quis à non Domino fundum bonâ fide emerit, vel ex donatione, aliavè causa iusta (æquè bonâ fide) acceperit; fructus, quos percepit, ejus esse, pro cultura, & cura. Hic autem sermo est. 1. de fructibus industrialibus, quos Theologi vocant mixtos; 2. de perceptis; 3. quocunque titulo, etiam si lucrativo, res possideatur. Prob. etiam 2. pars de naturalibus. Nam possessor bona fidei lanam ovium non usucapit; sed statim ejus fit, L. 4. ff. de usucaptionib. sed lana est fructus naturalis; ergo. Confirm. 1. ex L. bona fidei, ff. de acquir. rer. dom. ibi: bona fidei emptor non dubie percipiendo fructus ex aliena re, suos interim facit, non tantum eos, qui diligentia, & operis ejus provenerunt, sed omnes.

P. Ferdinandus Rebellus l. 2. de restit. q. 4. n. 9. ait, conclusionem veram esse, etiam de fructibus naturalibus, quando res est penes possessorem bona fidei ex titulo oneroso; sed non, quando est ex lucrativo. Ratio primi est; quia textus nobis faventes, omnes loquuntur de empore bona fidei, hoc autem sonat titulum onerosum. Ratio secundi; quia L. fructus 45. ff. de usuris, possessori bona fidei fructus naturales ex re, titulo donationis possessa, aperte negantur; sic enim lex habet: fructus percipiendo Uxor, vel vir ex re donata, suos facit, illos tantum, quos operis acquisierit, velati serendo; nam si pomum decerpserit, vel ex sylva cediderit (pomum autem, lignum, & similia, fructus naturales sunt) non fit ejus, sicut nec cuiuslibet bona fidei possessoris; quia non ex facto ejus is fructus nascitur. Sed dicendum probabilius esse oppositum; nimirum, quòd possessor bona fidei fructus naturales faciat suos, non tantum in casu, quo tem habet titulum oneroso, sed etiam lucrativo; ita Thomas Sanchez l. 2. in decal. c. 23. n. 68. Prob. quia L. fructus, possessori bona fidei non ob aliquam causam negantur fructus naturales, quam quâ ratione negantur illi viro vel uxori;

uxori; sed his ibi negantur non ideo, quia rem habent ex titulo lucrativo; sed propter defectum tituli sufficientis ad translationem Dominii (donatio enim inter Conjuges non est habilis causa ad transfrendum Dominium, adeoque non est titulus) ergo etiam possessori bona fidei tunc solum negantur fructus naturales, quando caret omni titulo, sicut ille vir, vel illa uxor.

1045. Ex hoc patet ad primum argum. Rebelli. Nam 1. negandum est, quod lex concedens possessori bona fidei fructus naturales, concedat eos solum in casu tituli oneroso; constat 1. ex §. si quis à non Domino, cit. n. 1043. ibi: vel ex donazione, aliavè causa justa. 2. ex L. in pecudum. ff. de usuris. ubi habetur: in pecudum fructus eiam fætus est, sicut lac, & pilus, & lana. Itaque agni, & hædi, & vituli, statim, pleno jure sunt possessoris bona fidei. ubi nec verbum de titulo oneroso; & tamen, vituli, agni, pleno jure dicuntur possessoris bona fidei. Si dicas, ibi sermonem non esse de fructibus naturalibus; nam textus loquitur de vitulis, sicut de lana, sed hæc non est fructus naturalis; ergo. Resp. 1. N. Ant. ad prob. dist. loquitur de vitulis sicut de lana; quoad hoc, quod est in fructu pecudum, C. secus; N. mā. trans. min. N. conseq. Resp. 2. N. ant. ad prob. trans. mā. N. min. quia in his natura prævalet; & ideo Haunoldus de Just. tr. 3. n. 266. hæc omnia, in lege cit. enumerata, docet esse fructus naturales, citans Harprechium celeberrimum Jurisconsultum; ex communi Juristarum, & plurimi textibus, eandem numerantem inter fructus mere naturales.

1046. Ad. 2. argum. Rebelli N. ant. Nam in L. fructus, uxori & possessori bona fidei propter defectum omnis tituli negantur fructus naturales; & in hoc inter illos comparatio fit. Deinde, quando dicitur: pomum non est ejus, sicut nec eiuslibet bona fidei possessoris, notandum est illud eiuslibet; non enim idem est, ac nullius. Sic quando dicitur: non quælibet potest ire Corinthum, non est idem, ac dicere: nullus potest ire Corinthum; sed tantum, non omnis; ergo tamen aliquis. Sensus igitur est: sicut mulier carens omni titulo, sic non omnis possessor bona fidei fructus na-

turales facit suos; ille scilicet, qui caret omni titulo; ergo possessor bona fidei cum titulo facit eos suos. Similiter, quando mulieri in L. fructus, ex arbore donata negatur pomum, quia non est ex facto ejus, sicut est fructus industrialis, idem negatur possessori bona fidei. Nam bona fides consistit in factu hominis, quod ad lucrandos fructus naturales ex re aliena non sufficit, nisi simul adsit juris administratum, seu titulus; sicut non sufficit ad industriales, si non simul adsit opera ejus; ergo per oppositum, ubi utrumque adest, non negantur fructus naturales.

Hinc sequitur, titulum emptionis in legibus, bona fidei possessori concedentibus naturales fructus, non asserti, quia onerosus est, sed quia verus est; seu quia est causa habilis jure, dominium transferendi; tum quia ad lucrandos fructus naturales ex aliena re cum titulo, & bona fide possessa, non requiritur major titulus, quam ad praescribendum, cui sufficit titulus etiam lucrativus, ex L. unica, C. de usucap. transformand. ubi dicitur, valere usucaptionem rei, licet ex titulo lucrativo accepta sit: tum quia L. fructus, agitur solum de carente titulo; tum denique quia possessor bona fidei in fructibus percipiendis id juris habet, quod Dominis praeditorum tributum est, L. qui scit. ff. de usuris: sed hi percipiunt omnes, esto praedium habeant titulo lucrativo; ergo.

Denique negandum est, quod ly omnes 1048. in L. bona fidei, ff. de acquir. dom. referatur tantum ad operas aliorum, ut volunt aliqui; & non ad fructus, ut sensus sit: quod fructus lucretur omnes, non tantum, qui ejus, sed etiam aliorum operarum ad ipsum pervenerunt. Nam, ut bene notat Sanchez, si ly omnes, referretur etiam ad operas aliorum, deberet dici omnium; ut sensus sit: subditur, non tantum eos, qui diligentia, & operis ejus pervenerunt, sed operis omnium, scilicet laborantium; hoc autem est contra sensum legis; ergo ly omnes non refertur ad operarites, sed ad fructus.

Quæstio 3. est, an possessor bona fidei, cum agnoscat rem possessam alienam esse, teneatur restituere fructus mixtos, & naturales ex ea perceptos, qui adhuc extant?

Resp.

Resp. quod sic; intellige autem. 1. de deductis expensis, & laboris aestimatione, secundum dicenda à n. 1074. intellige. 2. nisi per triennium eos possederit bona fide; quia sic restitutioni non sunt obnoxii; sic Ant. Perez, tr. 2. de restit. d. 2. c. 5. n. 117. & dicemus infra tit. 26. de prescript. Constat etiam ex L. certum, C. de rei vindicat. ibi: certum est, mala fidei possessores, omnes fructus solere, cum ipsa re prestare; bona fidei vero, extantes. Erratio est, quia res temporis aliena mansit; fructus autem fecit suos solum interim, ut habetur L. quis sit. §. vult. ff. de usuris, juxta interpret. Accursii. Confirm. quia locupletari non debet aliquis cum alterius iactura; si autem possessor bona fidei (etiam ubi agnovit, rem alienam) fructus extantes licet retineret, hoc contingere) sed adverte limitationem in num. 1052.) ergo.

1050. Dices 1. si deberet fructus extantes restituere, posset eos vindicare Dominus; hoc autem iste non potest; quia fructus non sunt ejus, sed possessoris; ergo. Resp. N. ma. & ad rationem in probatione allatam, dico; repetendos esse à Domino, implorato judicis officio; actione scilicet non reali, sed personali; sic gloss. in L. ex diverso, §. non habendam, ff. de rei vindicatione, & Abbas in c. gravis, de restit. spoliat.

1051. Dices 2. si deberet restituere fructus extantes, possessor non fecisset eos suos; contra dicta; quia, quod restituere teneat, non est meum. Resp. 1. N. sequelam: ad prob. dist. si deberet restituere, non fecisset illos suos interim, N. etiam pro causa evictionis; C. deinde non fecisset eos suos pro quolibet tempore; & absolutè, C. sub hypothesi, quod non evincantur, vel agnoscantur nati ex re aliena, N. Hoc dictum: illud, quod teneat restituere; non est meum, fallit. 1. in casu vini furtivi meo permisi; nam hoc fit meum, & tamen teneat restituere, secundum aestimationem. Fallit. 2. de superfluis Clericorum. Hinc quando dicitur L. 52. ff. de divers. reg. juris: non videtur quisquam id capere, quod est necesse alteri restituere; intellige, quod non capiat absolute; & sine omni onere, etiam pro casu evictionis; securus est conditionate, & quamdiu non evincitur. Nam bona fidei emptot quo-

ad percipiendos fructus quis presumitur, quamdiu fundus evictus non fuerit, L. quis sit, §. vult. Hinc est eorum Dominus solum interim. L. 48. ff. de acquir. rer. dom. adeoque sunt ejus ante evictionem; non post.

Quæstio est. 4. an possessor bona fidei teneatur aliquid restituere pro fructibus, quos bona fide consumpsit? Resp. quod sic, nimis quantum inde factus est ditior; non autem secus; nam ex L. certum, relata superius n. 1049. hic tenetur solum restituere fructus extantes; ergo quando in se non extant (qualiter sit, quando absunt sunt) ad nihil tenetur, nisi extant in alio, quo factus sit ditior. Not. autem, valde probabile esse, quod hæc obligatio (restituendi fructus extantes) in dato casu procedat solum de absuntis naturalibus, quando extant in aequivalenti; non autem mixtis. Prob. ex L. certum, cit. ubi possessor bona fidei de obligatur à restitutione aliorum fructuum, quam extantium, quæ lex, cum favet, ne effectu careat, sed aliquid operetur ultra legem naturalem, deobligantem ipsum à restitutione fructuum null modo extantium, intelligi debet, quod non teneatur restituere nisi extantes in se. Nam lege naturali habet, quod nihil teneatur, quando fructus nec in se, nec in alio extant; ergo ut favor legis cit. in de obligando aliquid operetur, intelligi debet, quod nihil teneatur, quando fructus non extant in se, licet extant in eo, quo factus est ditior. Confirm. ex §. eti. hereditas. V. si verò, Instit. de Offic. Judicis, ubi dicitur: Si verò bona fidei possessor fuerit, non habetur ratio neque consumptorum, neque non perceptorum.

Dices: ex hoc probari, cum nec teneri ad restituendos fructus naturales, si ex iis absuntis factus sit ditior, & in se non extant. Resp. N. illatum; nam L. certum, in eo solum favetur possessor bona fidei, in quo jure gravatur possessor mala fidei. Nam hunc teneri ad restituendos absuntos naturales, fundatur in rei natura, quath sequuntur fructus naturales; non in mera dispositione juris, ut patet ex §. cit. Si quis à non Domino; ubi statim subiungitur: ei verò, qui alienum fundum sciens possederit, non idem concessum est sciens; ut fructus industriales faciat suos) sed

sed cum fundo etiam fructus, (nimirum industriales) licet consumpti sint, cogitur restituere: ergo.

1054. Quæstio est 5. an possessor bonæ fidei, ante rei evictionem, licet retineat fructus perceptos? intellige, si ante evictionem rei non constituantur verè, & propriè possessor malæ fidei? Resp. quod sic; quia sic procedit ratio conclusionis data num. 1043. secus autem, non retinet licet. Nam possessor malæ fidei, nec rem, nec fructus ejus retinere potest (est enim fur, & usurpator alieni) sed ex momento, quo scit rem esse alienam, evadit possessor malæ fidei, L. qui bona fide 23. §. 1. ff. de acqñir. ver. dom. ubi jurisconsultus ait: tamdiu acquirit ei, quamdiu bonâ fide servit; se vero cæperit scire, alienum esse, vel liberum, ex eo momento desiceret bonam fidem. Constat etiam ex c. Si virgo 34. q. 2. ibi: tamdiu quis bona fidei possessor rectè dicitur, quamdiu se possidere ignorat alienum; cum vero sciverit, tunc mala fidei possessor perhibetur. Hinc quando L. qui scit, ff. de usuris, dicitur: quod quis intelligatur possessor bona fidei, quamdia res evicta non est, intellige quoad presumptionem; non autem, revera. Cum hoc stat, quod aliundē cognita veritate, præsumptione cesseret; ita Fachinæs l. 1. Contrôv. c. 59. contra Covarruviam, l. 1. variarum resol. c. 3. n. 7.

1055. Si dicas, eam legem intelligi non posse de mala fide præsumpta; cum ibi dicatur, quod emptor bonæ fidei, qui scivit, & antequam fructus perciperet, cognovit fundum alienum esse, debeat intelligi possessor, seu emptor bona fidei, quoad fructus percipiendos, quamdiu fundum evictus non fuerit; ergo sciens fundum alienum esse (isto non evicto) manet emptor bona fidei respectu fructuum inde percipiendorum. Resp. N. ant. quia casus allatus post primum textum erat ibi specialis quæstionis. Hinc ad prob. C. ant. dist. conseq. ergo manet emptor bona fidei ad percipiendos fructus à se seminatos bona fide, C. etiam quoad alios, N. consequ. Nam qui bona fide seminat in agro alieno, non perdit fructus, vel eorum estimacionem, esse cognoscat postea, fundum non esse suum, ut diximus, in quæstio-

ne de modis acquirendi rerum Dominium, à nobis traditâ in Tract. Theolog. de jure, & justit. quæst. 5. à numer. 239.

Quæstio est 6. an possessor bonæ fidei 1056. teneatur restituere fructus perceptos, & absumptos, à tempore litis contestata, licet postea evicta? Resp. quod non; quod tamen accipe cum limitatione: nisi in litis contestatione allegentur illæ circumstantiae, quæ ante evictionem, prudentis arbitrio, demonstrant, rem esse alienam. Ratio asserti est. 1. quia per solam litis contestationem nemo constitutur in mala fide revera; sed ad summum, in mala fide præsumpta; cum tali quippe litis initio stat, quod quis sciat, rem non esse alienam; ergo etiam lite contestata potest quis manere possessor bonæ fidei, de quo n. 1054. Secundò, quia L. si fundum, C. de rei vindic. dicitur: fructus restituendos esse, quos cum mala fide percepisse, fuerit probatum; sed per hoc, quod lis intentetur, & postea evincatur, non est probatum, fructus, lite pendente percepitos, esse perceptos cum mala fide revera. Nam quousque res fuerit evicta, vel probationes prius adductæ non demonstrant, rem alienam esse; non probatur mala fides, esto lis contestata sit, ergo; ita Sanchez l. 2. decal. c. 23. n. 163. & quamvis non paucæ leges citentur in oppositum, quæ dicant: possessores post litis contestationem haberi pro possessoribus mala fidei. Resp. tamen omnes procedere de mala fide præsumpta; non, revera. Hinc etiam habes, L. certum, C. de rei vindicat. quæ dicit, quod possessor malæ fidei omnes fructus soleat cum ipsa re praestare; bona fidei vero, extantes: post litis autem contestationem, universos, intelligi solum, si adhuc illæ circumstantiae, quæ inducant mala fidei revera.

Quæstio est 7. ari instantiâ litis, ob cessationem Actoris peremptâ possessor bona fidei inquietatus impediatur, quod minus fructus faciat suos? Resp. quod non; sic Castropal. cit. §. 8. à num. 6. quia hinc sic emortua is, qui possidet, nec formaliter, nec præsumptive est in mala fide; ergo secundum dicta non im-

1057.

pedi-

L1

peditur, quo minus fructus faciat suos.
Ant. prob. Nam prius fuit sine notitia, quod res sit aliena, ut ponitur in casu; sed nec per contestationem litis hanc notitiam acquisivit (*ergo non est in mala fide formaliter*) nec etiam ex *præsumptione*; quia sublatu fundamento *præsumptionis*, cessat *præsumptio*; sed lis mota est fundamentum *præsumptionis*? ergo lite sic mortuā, seu sublatā, cessat *præsumptio*, *L. cùm lite mota, ff. judicatum solvi*, ubi dicitur, *quod perempta litis instantia, censeatur lis mota non esse non solum quoad litis ordinationem, sed quoad omnia, que ab illo judicio pendent.*

1058.

Dices 1. possessor ad restitutionem est obligandus, ex quo est in mala fide; sed à litis contestatione est in mala fide, ergo. Resp. illum ad summum durante lite, esse in mala fide *præsumpta*; sed hanc extingui, lite perempta, cessatione actoris.

Dices 2. tunc solum cessat mala fides, quæ contestatione litis *præsumitur*, quando litis instantia scitur esse perempta per cessationem actoris, *cognoscens infirmum jus se habere*; non autem, si cessat ex aliis causis. Resp. N. ma. nam litis peremptio, consequenter omnium, quæ ab illa pendent, unicè pendet ex cessatione litis undecunq[ue] orta, quia lex cit. loquitur *indefinitè*.

1059.

Dices 3. per litis contestationem civiliter rumpitur possessio ad longi temporis *præscriptionem*. Hinc possessor, litis contestatione interpellatus, non *præscribit* rem tempore ordinario; sed tantum, longissimo, etiamsi lis perempta sit, cessatione actoris, *L. I. C. de præscript. long. temp.* sed hoc non ex alio capite, quam quod mala fides, etiam post litem peremptam, extraordinario tempore *præsumatur purganda*, ergo. Resp. N. min. Nam leges hoc ipso, quod adfuerit fundamentum *præsumendi* malam fidem, licet iterum extinctum, ad ejusmodi *præscriptionem* requirunt longissimum tempus, non ob actu durantem *præscriptionem* mala fidei lite perempta; sed ob præteritam, ut vite-

tur omnis iniquitatis pe-

riculum:

* * *

ARTICULUS VI.

Ad quid teneatur possessor mala fidei?

REsp. quod teneatur restituere rem, cum fructibus etiam absumptis, secundum estimationem, etiamsi exinde factus non sit locupletior; ita communis cum Sanchez *l. 2. c. 23. num. 97. & 126.* Prob. 1. ex *L. si fundum, C. de rei vindicat.* ibi: *si tibi volenti fundum meum emere à non Domino, denunciavi, ne emeres, quia non erat vendibilis, tamen emisti, tenerite, ad fundum, & ad fructus, quos malā fide perceperisti, restituendos.* 2. ex *§. si quis à non Domino, lape cit. ibi: qui alienum fundum sciens posse derit, non idem concessum est (nempe id, quod possessori bona fidei) itaque cum fundo etiam fructus, licet consumpti sint, cogitur restituere.* Et ratio est, quia si res aliena vel extrat apud illum, vel absumpta est malā fide? utrumque autem fundat obligationem restituendi; ergo; hujus ulterior ratio est ex eo; quia illi fructus cesserunt possessori bona fidei propter bonam fidem; ergo ubi defuit bona, manserunt sub dominio Domini; ergo si possessor malā fide absumpsit, ex hac injusta lassione Domini tenetur ad restituendum, nimirtum constituendo aequalitatem redditione cum jure lasso.

Si queras, quid dicendum, si injustè consumplisti rem, æquè peritaram, si mansisset apud Dominum, vel casu fortuito, vel alterius vitio? Resp. dicendum 2. te adhuc teneri ad ejus estimationem; ita Rebellus *l. 2. q. 7. numer. 4.* Castropalaus *tr. 31. D. unic. p. 24. §. 9.* n. quia tunc adhuc verificatur, à te damnum esse datum per injustitiam absolute, esto Dominus idem damnum aliâ viâ subiturus etat. Nam futurus rei interitus non facit actionem tuam justam, cum nec tibi jus tribuat, nec Domino adimat. Obligatio autem restituendi fundatur in domino dato per injustitiam absolute; ergo. Fur tamen non tenetur ad restitutionem rei, quæ apud ipsum casu fortuito periit, æquè omnino peritura penes sumum Dominum; Rebell. *c. Leif. l. 2. c. 12. n. 90.* Ratio,